

Stjórnarfundur Vestra haldinn fimmtudaginn 8. mars 2018 í húsnæði Próunarseturs Vestfjarða.

Mætt eru Hjalti Karlsson, Guðfinna Hreiðarsdóttir, Jóna Lind Kristjánsdóttir, Guðni Guðnason, Jónas Gunnlaugsson.

1. **Aðalfundur.** Rætt um mögulega dagsetningu fyrir aðalfund. Gjaldkeri félagsins, Guðni Guðnason, greindi frá því að nánast sé búið að ganga frá bókhaldi deildanna að knattspyrnudeildinni undanskilinni. Ákveðið að ítreka við knattspyrnudeild að skila af sér hið fyrsta og boða til aðalfundar. Stefnt að því að aðalfundur Vestra verði haldinn fimmtudaginn 12. apríl. Athuga þarf hvaða stjórnarmenn hafa hug á að sitja áfram og þá mögulega að finna nýja einstaklinga ef einhverjir ætla að hætta.
2. **Auglýsingar á heimasíðu félagsins.** Vegna fyrirspurnar þá áréttar stjórn félagsins að deildunum er heimilt að setja auglýsingar á sínar undirsíður.
3. **Breyting á nafni Torfnsvallar.** Knattspyrnudeild Vestra hefur farið þess á leit við HSV að sótt yrðu um leyfi til Ísafjarðarbæjar til að kenna Torfnsvöll við Olís. Erindið er í ferli hjá Ísafjarðarbæ. Stjórn Vestra telur ekkert því til fyrirstöðu að þessi breyting verði gerð enda tíðkast slíkt víða um land, bæði á knattspyrnuvöllum og íþróttahúsum.
4. **Knattspyrnuhús á Torfnesi.** Formaður greindi frá því að hann hefði, ásamt fleirum fulltrúum Vestra og Harðar og Kubbs setið fund með forsvarsmönnum bæjarsins og starfsmönnum tæknideildar þar sem farið var yfir hugmyndir og kostnaðartölur. Á þessum fundi var ákveðið að tilnefna þrjá aðila sem munu skoða sambærileg hús á landinu og kynna sér rekstrarkostnað. Stjórnarmenn ræddu tímasetningu framkvæmda og fjármögnun.
5. **Vallarhúsið.** Búið að skipa nefnd sem í sitja Jóhann Torfason, Ágúst Atlason og Guðmundur Einarsson. Nefndinni er ætlað að vinna framkvæmdaáætlun og fara í framkvæmdir samkvæmt henni. Stefnt er að því að taka efri hæðina alveg í gegn og má gera ráð fyrir kostnaði upp á allt að 7 m.kr. og munar þar mest um salernisaðstöðu sem nauðsynlegt er að útbúa. Nefndin telur brýnt að koma salnum í viðunandi ástand fyrir sumarið, s.s. gera eldhúskrók, setja upp stóla og borð o.fl. Binda menn vonir við að þessum framkvæmdum verði lokið eftir rúmt ár og þá komin almennileg félagsaðstaða.
6. **#MeToo, aðgerðir gegn ofbeldi.** Formaður greindi frá stöðu málsins sem var á dagskrá síðasta stjórnarfundar í kjölfar þess að íþróttakonur á Íslandi sendu frá sér yfirlýsingu í tengslum við MeToo umræðuna. ÍSÍ sendi í framhaldinu frá sér yfirlýsingu þar sem fram kom að sambandið harmaði mjög að einstaklingar innan vébanda þess hefðu þurft að þola ofbeldi í tengslum við íþróttastarf og fordæmdi með allt ofbeldi í starfsemi íþróttahreyfingarinnar enda slík hegðun óásættanleg og ólíðandi. Í yfirlýsingunni kom jafnframt fram að íþróttahreyfingin muni ekki sitja aðgerðarlaus hjá varðandi þann vanda sem birst hefur gegnum #metoo herferðina og er þegar hafin vinna við að móta aðgerðir sem gagnast geta hreyfingunni í baráttunni gegn ofbeldi. Vinna við stefnumótun og aðgerðaáætlun vegna þessa mikilvæga máls er enn á byrjunarreit hjá félaginu en samfélagssjóður Orkubús Vestfjarða veitti félaginu 50 þús. kr. styrk til þessarar vinnu.
7. **Skilyrðing styrkja.** Bæjarstjórn Ísafjarðarbæjar hefur sent frá sér viljayfirlýsingu þess efnis að fjárveitingar til íþróttafélaga og annarra félagasamtaka sem bjóða upp á frístundaiðkun fyrir börn og unglinga, verði skilyrt því að félögin setji sér siðareglur og viðbragðsáætlanir og fræði þjálfara og umsjónarfólk um ofbeldi, kynferðislega áreitni og kynferðisofbeldi. Félögin skulu tilgreina trúnaðarmann í viðbragðsáætlun. Einnig skulu þeir sem Ísafjarðarbær styrkir hafa jafnréttisáætlun og skýra aðgerðaráætlun sem unnið er eftir. Ísafjarðarbær hefur eftirlit með því að fyrrgreind atriði séu uppfyllt.
8. **Trúnaðarmaður félagsins.** Þótt vinna við aðgerðaráætlun gegn ofbeldi sé ekki hafin þá telur stjórn félagsins brýnt að skipa strax trúnaðarmann sem hefur það hlutverk að taka við

tilkynningum um ofbeldisbrot og koma slíkum málum í viðeigandi ferli. Hefur Birna Lárusdóttir, formaður barna- og unglingaráðs körfuknattleiksdeildar Vestra, samþykkt að taka að sér þetta trúnaðarstarf.

9. Yfirlýsing frá stjórn íþróttafélagsins Vestra:

Í kjölfarið á vakningu sem hefur orðið undir merkjum #metoo um ofbeldi innan íþróttahreyfingarinnar tekur íþróttafélagið Vestri heilshugar undir yfirlýsingu ÍSÍ sem fordæmir allt ofbeldi í starfi íþróttahreyfingarinnar enda er slík hegðun óásættanleg og ólíðandi. Það er mikilvægt að íþróttahreyfingin í heild sinni hlusti á raddir þolenda og aðstandenda þeirra, læri af þeim og bregðist við af fullum þunga. Stjórn Vestra telur mikilvægt að iðkendur félagsins, foreldrar og aðstandendur þeirra geti treyst því að þau séu örugg á vettvangi félagsins og ber stjórn Vestra skylda til að tryggja það. Félagið er núna að ljúka sínu öðru starfsári og hefur þegar hafið undirbúning að vinnu við jafnréttisstefnu og siðareglur sem öllum er tengjast félaginu ber að fylgja. Mun félagið óska eftir samstarfi við HSV í þessari stefnumótunarvinnu og ásamt vinnu við fræðslu- og forvarnarstefnu og innleiðingu aðgerðaráætlunar vegna ofbeldisbrota, eineltis og kynferðislegrar og kynbundinnar áreitni með það að leiðarljósi að tryggja öryggi, jafnrétti og jafnræði þeirra sem iðka og starfa innan félagsins.

Ef iðkandi, þjálfari eða aðrir sem félaginu tengjast upplifir/hefur vitneskju um eða verður vitni að áreiti eða ofbeldi þá skal viðkomandi að láta trúnaðarmann félagsins strax vita svo hægt sé að bregðast við með réttum hætti og koma slíkum málum í viðeigandi ferli.

10. Önnur mál. Engin önnur mál rædd.